



Broj: 01-49-2-130/15

Datum: 19.01.2015.godine

IZVJEŠTAJ

o radu Općinskog vijeća Tešanj za period 01.01. – 31.12.2014. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.


Izvještaj o radu Općinskog vijeća Tešanj za period 01.01. – 31.12.2014. godine predviđen je u prvom kvartalu Programa rada za 2015. godinu.

IZVJEŠTAJNI DIO


- a. Općinsko vijeće je donijelo 34 odluke, 19 rješenja i 83 zaključka,

Sagleda li se struktura tema i pitanja o kojima vodila rasprava i donosili određeni zaključci u izvještajnom periodu najbrojniji su bili prijedlozi odluka (34), informacija (25), rješenja (19), inicijativa (24), izvještaja (10), ostali prijedlozi – nacrti (4), rezolucija, uslovna saglasnost i Program rada Općinskog vijeća Tešanj za 2015.godinu.

Struktura tema i pitanja o kojima se vodila rasprava



U izvještajnom periodu Općinsko vijeće je nakon provedenih rasprava usvojilo ukupno 136 akata i to 34 odluke, 19 rješenja, i 83 zaključka (koji se odnose na odluke, rješenja, informacije, inicijativa i izvještaje).



b. Komentara na odluke koje je Vijeće donijelo – nije bilo.

c. Općinsko vijeće je donijelo 7 akata koje su inicirali građani.

d. Održano je 5 javnih rasprava.

e. Javnim raspravama je prisustvovalo 90 građana.

f. Sjednicama Vijeća pored redovnih gostiju prisustvovalo je i 11 građana.

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.

Na ukupno 11 održanih sjednica Vijeća u periodu od 01.01.do 31.12. 2014. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Dujić Amir	3 sjednice Vijeća
2.	Alić Munevera	2 sjednice Vijeća
3.	Halilović Muhamed	2 sjednice Vijeća
4.	Bernadeta Galijašević	1 sjednice Vijeća
5.	Ajanović Ekrem	1 sjednica Vijeća
6.	Jašić Haris	1 sjednica Vijeća
7.	Salkić Aida	1 sjednica Vijeća
8.	Unkić Mirza	1 sjednica Vijeća

OSTALO

Općinsko vijeće Tešanj je u periodu 01.01. – 31.12.2014. godine radilo u redovnim javnim zasjedanjima. Održano je ukupno 10 redovnih i 1 vanredna sjednica. Sjednice Vijeća u izvještajnom periodu trajale su u prosjeku oko 4 sata.

Vanredna sjednica Općinskog vijeća je održana 04.07.2014.godine. Na dnevnom redu je bio Prijedlog Rješenje o imenovanju Općinske izborne komisije. Razlog sazivanja vanredne sjednice je donošenje novog Rješenje jer Centralna izborna komisija BiH nije dala saglasnost na Rješenje o imenovanju Općinske izborne komisije od 28.04.2014. godine iz razloga što nije ispoštovana zastupljenost konstitutivnih naroda.

Na dnevnom redu sjednica Vijeća bile su 93 tačke, od čega su 33 ili 35,48 % bile predviđene Programom rada Vijeća za 2014. godinu. Ostalih 60 tačaka ili 64,52 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 9 tačaka dnevnog reda po jednoj sjednici.

Broj Odluka i Rješenja po zahjevima građana i tekućim potrebama bio je dominantan u realizaciji, ali se mora istaći da su odluke, izvještaji i informacije koje su planirane Programom rada Vijeća za 2014. godinu realizovane.

U protekloj godini znatno su se poboljšali uslovi za rad Općinskog vijeća. Od 23.10.2014.godine za svoj rad Općinsko vijeće koristi novu salu. Uvedeno je elektronsko brojanje glasova i digitalno snimanje sjednica.

Na 24.sjednici predsjedavajući Općinskog vijeća Tešanj g-din Fuad Šišić je podnio ostavku koju je Vijeće prihvatilo. Na 25.sjednici za predsjedavajućeg Općinskog vijeća Tešanj izabran, odnosno imenovan je g-din Senad Subašić.

Budžet općine Tešanj za 2015.godine i Program rada Općinskog vijeća Tešanj za 2015. godinu usvojeni su na 25.sjednici.

Osnovne tematske odluke, koje je Vijeće u izvještajnom periodu donijelo, bile su:

- Odluka o određivanju matičnih područja i njihovih sjedišta,
- Odluka o zaštitnim zonama i zaštitnim mjerama izvorišta "Studenac" na mjesnom vodovodu "Ponikva" Šije,
- Odluka o izmjenama i dopunama Odluke o organizovanju zaštite i spašavanja ljudi i materijalnih dobara od prirodnih i drugih nesreća na području općine Tešanj,
- Odluka o izmjenama i dopunama Odluke o proglašavanju nevladinih organizacija od posebnog interesa, Odluka o raspivanju javnog konkursa (parcela 181/2 za K.O. Tešanj II),
- Odluka o izmjenama Odluke o posebnim uslovima rješavanja statusa izgrađenih objekata,
- Odluka o utvrđivanju javnog interesa za izgradnju primarnih kolektora sistema prikupljanja i odvodnje otpadnih voda na području općine Tešanj,
- Odluka o usvajanju i pokretanju aktivnosti radi privođenja namjeni Idejnim projektom prikazanog konce pta izgradnje javne garaže na lokalitetu benzinske pumpe INA kod stambenog naselja Simetrane u Tešnju,
- Odluka o objavljivanju Javnog oglasa za imenovanje članova Općinske izborne komisije Tešanj i Javni oglas za imenovanje 4 člana Općinske izborne komisije Tešanj,
- Odluka o usvajanju Liste kapitalnih projekata za 2014. godinu,
- Odluka o usvajanju Programa novčanih podsticaja za unapređenje primarne poljoprivredne proizvodnje na području općine Tešanj u 2014. godini i program,
- Odluka o zaštiti zraka,

- Odluka o visini prosječne konačne građevinske cijene na području Općine Tešanj,
- Odluka o javno-privatnom dijalogu,
- Odluka o prodaji i zamjeni zemljišta,
- Odluka o naknadama vijećnicima i članovima komisija koje imenuje Općinsko vijeće,
- Odluka o prodaji nekretnine koja je označena kao: k.p.br. 180 zv. "Kućište",
- Odluka o dopuni Odluke o radnom vremenu u određenim djelatnostima na području općine Tešanj,
- Odluka o prenosu prava vlasništva radi oblikovanja građevinske parcele u skladu sa RP "Centar" Jelah,
- Odluka o korištenju sredstava posebne naknade za zaštitu od prirodnih i drugih nesreća u Budžetu općine Tešanj
- Odluka o stipendiranju redovnih studenata dodiplomskog studija (I ciklusa) u akademskoj 2014/15. godini,
- Odluka o objavljivanju Javnog oglasa za imenovanje člana Općinske izborne komisije Tešanj i Javni oglas za imenovanje člana OIK Tešanj,
- Odluka o izmjeni i dopuni odluke o priznanjima Općine Tešanj
- Odluke o prodaji zemljišta neposrednom pogodbom JP "Elektroprivreda BiH" Podružnica Elektrodistribucija" Zenica-parcela u industrijskoj zoni u Bukvi,
- Odluka o prodaji zemljišta neposrednom pogodbom Zejnilović (Ahmeta) Sakibu iz Tešnja,
- Odluka o izmjenama Odluke o organizaciji i sigurnosti saobraćaja na cestama,
- Odluka o prodaji nekretnine - Kiseljak Princess DC d.o.o. Orašje Planje-Tešanj,
- Odluka o izmjeni i dopuni Poslovnika o radu Općinskog vijeća Tešanj,
- Odluka o davanju ovlaštenja Općinskom načelniku za zaključivanje ugovora o zakupu,
- Odluka o izvršavanju Budžeta za 2015. godinu,
- Odluka o utvrđivanju javnog interesa za izgradnju vodovoda Raduša i Jugozapad-Tešanj.

U izvještajnom periodu Općinsko vijeće nije usvojilo-prihvatilo sljedeće:

- Izvještaj o radu Komisije za primjenu Kodeksa ponašanja izabranih zvaničnika-vijećnika u Općinskom vijeću za vremenski period od 28.12.2012.godine do 28.11.2013.godine (15. sjednica),
- Informacija o stanju bezbjednosti na području općine Tešanj za 2013.godinu (16. sjednica),
- Odluke o dopuni člana 117. Poslovnika o radu Općinskog vijeća Tešanj (19.sjednica),
- Informacija o stanju bezbjednosti na području općine Tešanj za I polugodište 2014. godine i bezbjednosti učesnika u saobraćaju na području općine Tešanj (22. sjednica)

Aktivnosti Općinskog vijeća zasnivale su se na zadacima utvrđenim Programom rada Vijeća za 2014. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 85 vijećničkih pitanja na koja je odgovoreno, uglavnom do naredne sjednice Vijeća i podnijeli 24 vijećničke inicijative.

Sjednicama Vijeća su u svojstvu gosta redovno pozivani: poslanici u državnom, federalnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovniku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

R.br.	RADNA TIJELA	Broj sastanaka od 01.01.-31.12.2014
1.	Komisija za pitanja mladih	5 sastanka
2.	Komisija za ravnopravnost polova	4 sastanka
3.	Statutarno-pravna komisija	4 sastanka
4.	Komisija za budžet	4 sastanka
5.	Komisija za odlikovanja i druga javna priznanja	3 sastanka
6.	Komisija za primjenu Kodeksa ponašanja vijećnika	2 sastanka
7.	Mandatno – imunitetska komisija	2 sastanka
8.	Komisija za predstavke i prijedloge	1 sastanak
9.	Komisija za izbor i imenovanje	1 sastanak
10.	Komisija za zaštitu čovjekove sredine	Nije bilo sastanaka Komisije.
11.	Zakonodavno-pravna komisija	Nije bilo sastanaka Komisije.

U izvještajnom periodu održano je 26 sastanka stalnih radnih tijela, s tim da Komisija za zaštitu čovjekove sredine i Zakonodavno-pravna komisija nisu održale ni jedan sastanak.

Na 22.sjednici Općinsko vijeća je na prijedlog Kluba vijećnika SDA, usvojilo zaključak koji glasi: „ Općinsko vijeće smatra da imenovane komisije treba da inteziviraju svoj rad u smislu većeg broja zaključaka, inicijativa i preporuka prema Vijeću i očekuje u drugom polugodištu veću aktivnost. U protivnom biće predloženi novi sastavi komisija“.

Međutim, u drugom polugodištu održano je 12 sastanaka stalnih radnih tijela, s tim da Komisija za zaštitu čovjekove sredine, Zakonodavno-pravna komisija, Komisija za primjenu Kodeksa ponašanja vijećnika i Komisija za predstavke i prijedloge nisu održale ni jedan sastanak.

Samo tri Komisije (Komisije za budžet, Komisija za izbor i imenovanje i Komisija za odlikovanja i druga javna priznanja) su u drugom polugodištu Vijeću dostavile svoje prijedloge i preporuke.

Prijedlog Odluke o dodjeli priznanja Općine Tešanj za 2014.godinu, koju je predložila Komisija za odlikovanja i druga javna priznanja skinuta je sa dnevnog reda 25.sjednice zbog nedostatka obrazloženja prijedloga dobitnika priznanja, zbog nedostatka obrazloženja za odbijene prijedloge za dodjelu priznanja i zbog toga što su nejasni kriteriji za dodjelu priznanja.

S obzirom da ostale Komisije u drugom polugodištu Općinskom vijeću nisu dostavile svoje zaključke, inicijative i preporuke može se konstatovati da očekivano poboljšanje kroz veću aktivnost većina Komisija nije ispunila.

Pored stalnih radnih tijela Općinsko vijeće je imenovalo i tri privremena radna tijela i to: Komisiju koja će posjetiti sve poslovne zone, Komisiju za provođenje postupka za imenovanje članova općinske izborne komisije i Općinsku izbornu komisiju, a produžen je mandat drugostepenoj Komisiji koja rješava po žalbama podnesenim protiv prvostepenih rješenja općinskog organa uprave.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka. Općinsko vijeće se informiše dostavljanjem pisanog pregleda svim vijećnicima.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 31.12.2014. godine uspješno realizovalo svoju ulogu.
- b. Većina odluka je usvojena jednoglasno, a samo je jedna predložena odluka odbijena.
- c. Postoji stabilan partnerski odnos između Općinskog vijeća i Općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.
- d. Aktivnost Vijeća se ogleda i kroz usvojena 52 zaključka upućena Općinskom načelniku i administraciji od kojih je 44 realizovano, a realizacija 8 zaključaka je u toku.
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

PREDSJEDAVAJUĆI VIJEĆA

Senad Subašić, dipl.oec.

